

internet en

irristatzen@egunkaria.com
→ jabi zabala

Ferriak, jaialdiak azokak

Era guztietako topaguneak egunotan

Hainbat lekutan eta hainbat gairen inguruko ferriak eta jaialdiak egiten ari dira egunotan, ia denak batera. Esaterako, ikus-entzunezko saioen nazioarteko FIPA jaialdiaren 16. edizioa aste honetan, urtarrilaren 21etik 26ra izango da. FIPAK nazioartean telebistarako ekotzitako lanak biltzen eta erakusten ditu. Aukera ederra da telebista saioen egileentzat, euren lana ezagutarazteko. Izan ere, lehiaketa da jaialdiaren jendaurreko



aldea, bertako zinemetan ikuskatzen baitira era guztietako lanak, film laburrak, dokumentalak, fikziozkoak... Beste alderdi itxiago bat ere badu, telebista exekutiboaren arteko bilguneetan saioak erakutsi, saldu eta erosi egiten baitira.

Bestalde, egunotan, zinemagile gazteentzako beste topaketa bat, arras ezaguna den Sundance jaialdia ospatzen ari da AEBetako Utah estatuan. Salt Lake City hirian urtero biltzen dira Robert Redford-ek sortu zuen zine independentearen topagunean. Ez da jaialdi arrunta, bertan sarbidea izan duten 106 luzemetraientzat aukera aparta baita. Hollywood-eko estudio handietako exekutiboak urtero izaten dira bertan, poltsikoak diruz beteta, bihar-etziko Spielberg-ak beste inork baino lehenago fitxatzeko prest.

Aurtengo edizioaren protagonistak zinemagile digitalak dira, kamara digital berrien kalitateaz eta prezio baxuez baliatzen direnak. *Series 7* filma da horien adibidea, *reality show* baten gaineko drama digitala.

Otsailaren 13tik 18ra Madrilen izango da Espainiako arte azoka nagusia. Aurtengo ARCO'03 azokan 30 herrialde-tako galeristek nazioarteko ar-

tearen erakustaldi zabala eskainiko dute. Denetara 237 galeriek izango dute erakustoki-

rik bertan eta aurtengo gai nagusia Suitza izango da. Ifema/ARCO eta Telefonica fundazioak, halaber, arcospain.org artearen gaineko ataria garatzeko akordioa egin dute. Ferriaren bisita birtualak Flash formatoan eginiko aurkezpen ikusgarria dakar, baina momentuz askoz gehiagorik ez.

Eta ferriekin amaitzeko, egunotan izan den beste feria garrantzitsu bat aipatu behar dugu, Cannes-eko Midem. Musikaren industriak Europan duen topagunerik handienean Txinako industria izan da gaietako bat. Pirateria eta musika digitala oso present izan dira, noski, euskal disketeen ordezkaritza ere izan duen topagunean.

Jaialdi guztiek eta gertaera askok dute euren isla sarean. Halabaina, gurean internauta kopuruaren hazkundera gelditu egin dela diote inkestak. EAEn udatik hona jaitsi ere egin dela dio AIM-Cren EGM inkestak.

Helbideak:

- Arco azoka: www.arco.ifema.es / www.arcospain.org ■
- Cannes-eko midem: www.midem.com ■ FIPA jaialdia: www.fipa.tm.fr ■
- Sundance: festival.sundance.org ■ EGM: www.aimc.es ■



azken kupola!

2002ko kutunenak

Palman astebeteko egonaldia egiteko aukera zozkatuko dugu parte-hartzaileen artean

Igaro zaizkigun hamabi hilabeteen hasieratu bat emateko ordua iritsi zaigu, eta, horretarako, zuen laguntza behar dugu. Bozketan parte hartu nahi baduzue, atal bakoitzean erantzun bat eman, eta, ondoren, BARKATU AMARA bidali (Gudariaren etorbidea z/g 20.140 Andoain). Posta elektronikoz egiten baduzu, barkatu_ama@egunkaria.com da gure helbidea. Jasotzen ditugun erantzun guztien artean, bidaia eder bat zotz egingo dugu.

musika

► Euskal diskorik gustukoena

► Euskal talde/abeslaririk gustukoena

► Euskal talde/abeslari berriarik gustukoena

► Nazioarteko diskorik gustukoena

► Nazioarteko talde/abeslaririk gustukoena

► Talde gustukoena zuzenean

bertsolaritza

► Bertsolaririk gustukoena

► Gazte bertsolaririk gustukoena

antzerkilaritza

► Euskal antzezlanik gustukoena

► Gizonezkoetan, euskal aktorerik gustukoena

► Emakumezkoetan, euskal aktorerik gustukoena

literatura

► Euskal libururik gustukoena

► Euskal idazlerik gustukoena

► Idazle gazterik gustukoena

telebista-irratia zinema

► Telebista saiorik gustukoena

► Irrati saiorik gustukoena

► Filmik gustukoena

komikia

► Urteko komikirik gustukoena

► Euskal komikilari gustukoena

ikuskizunak

► Urteko ikuskizunik onena

testelakoak

► Urteko berririk onena


► Urteko berririk txarrena

► Gazte ekimenik gustukoena

► Urteko gaztea

► Urteko kirolari gaztea

GERRAKO UMEAK EUSKAL HERRIAN ZEHAR



Iragan urteko azaroan, Kukai taldeak eta Tanttaka Teatroak 1937, gogoaren bidezidorretatik ikuskizuna estreinatu zuten. Orain, berriz, Euskal Herri osoan zehar emanaldiak egiteari ekingo diote. Hala, emanaldi horietan guztietan lehena larunbatekoa izango da, Aguraingo Harresi aretoan izango baitira. Halaber, datozen hilabeteetan ere emanaldi ugari egingo dituzte beste zenbait herritan.

1937, gogoaren bidezidorretatik ikuskizunak dantza du oinarri. Izan ere, Jon Mayaren zuzendaritzapean, Eneko Gil, Alain Maya, Ibon Huarte,

Urko Mitxelena, Nerea Vesga eta Vanesa Castaño dantzariak gerrako haurrak izenekoak irudikatzen dituzte. Gerra Zibilaren garaian erbesteratu ihes egin behar izan zuten haur horien bizimodua dantzaren bidez azalduko dute. Hala, Euskal Herrian gertatutako bonbardaketa, erbesteratu egindako bidaia, erbesteratu zuten bizimodua eta abar kontatzen dira. Hala ere, dantzaz gain, beste jarduerak ere badute tartea ikuskizun honetan. Emanaldiko elementurik esanguratsuenetakoa ziklorama bat da. Bertan, 1937. urteko irudi ugari ematen dira, dokumental baten

gisa. Horrez gain, Juan Mari Beltranen musika, eta antzerkiak ere presentzia handia dute. Obraren zuzendaria Mireia Gabilondo izan da.

DATOZEN EMANALDIK

Urtarrilak 25
Aguraingo Harresi aretoan,
22:30ean.

Otsailaren 19an
Zornotza aretoan, 21:00etan

Otsailaren 14, 15 eta 16an
Donostiako Antzoki Zaharrean.

Otsailaren 18an
Hernaniko Biteri kultur etxean

Lehiaketak

Ganorabako/Basaui. Gaia libre da, baina pertsonaia guztiek jatorrizkoak eta argitaratu gabeak izan behar dute, autoreak berak sortutakoak. Lan bakoitzak A-4 neurriko lau orri izan behar ditu gehienez. Lanak koloretakoak ala zuri-beltzekoak izan dai-

tezke, eta euskarazkoak ala gaztelaniazkoak. Komikiak kultur etxean aurkeztu behar dira martxoaren 31 baino lehen.

Logotipoa/ Arrasate Arrasateko Gazteen Kontseiluak logotipoa behar du, eta, hori aukeratzeko, lehiaketa bat antolatuko du. Lehiaketan esku hartzeko, Arrasaten bizi edo ikasi beharra

dago. Ezinbestekoa da logotipoan *Arrasateko Gazteen Kontseilu* leloa azaltzea. Lanak hilabete amaiera baino lehen igorri behar dira. Informazio gehiago: 943-77.00.65.

Literatur lehiaketa/ Bortzirriak. Bortzirietako Bai Euskal Herriari taldeak Herriak eta Hizkuntzak literatur lehiaketa antolatuko du. Bertan, hama-